




第一四一四册

四庫全書

● 上海古籍出版社

本冊目次

漢魏六朝百三家集(三)

明張溥輯……………一

欽定四庫全書

集部

漢魏六朝百三集卷六十三

欽定四庫全書

漢魏六朝百三集卷六十三

何承天集題詞

謝晦起兵拒宋文東海何承天為畫計謀造表
檄晦收自歸徵思全宥復賦性剛褊侮慢同列
天子詔訪疑義輒戒使者善候顏色恐逢彼怒
斯人竟得老壽亦章耳禮論三百卷久亡不傳
今所存者僅有安邊論宋書稱為博而且篤晉

欽定四庫全書

漢魏六朝百三集卷六十三

世郭欽江統疏論徙戎顯名方策此亦其支流
也歷數最精大畧微見于表奏猶恨未全雜議
出刑入禮原諸忠恕為漢廷平或所優乎達性
論中權教析報應與顏光祿宗居士反覆送難
皆儒者中正之言王道蕩蕩姬釋無殊何必別
門建旌劉項博戰也鼓吹饒歌十五篇造于晉
義熙時家居私撰上升樂志遂能前抗韋昭木
爪賦心澹泊則郭璞蚬蜉類耳仰思周天旁辨

詳校官庶吉士臣謝恭銘

主事銜臣徐以坤覆勘

總校官檢討臣何思鈞

校對官編修臣祖之望

謄錄監生臣蕭聲鵬

威斗當日閱覽博物卒未或先東海云

目錄

賦

木瓜賦

表

上厯新法表

議

厯議

欽定四庫全書

禮部典屬百三卷
卷六十二目錄

二

陳滿罪議

尹嘉罪議

薄代公等補兵議

孔邈名議

丁況等久喪不葬議

奏

請改漏刻奏

議公主服母奏

論

安邊論

有表

達性論

論王蕃渾天體

又

論祠武帝於建始殿

論立諸葛亮廟

論托頭

欽定四庫全書

禮部典屬百三卷
卷六十二目錄

三

論郊祀不設樂

又

問

報應問

書

答顏永嘉書

重答顏永嘉書

與宗居士論釋慧琳白黑論書

又答宗居士書

重答宗居士書

答江氏問

頌

上白鳩頌 有表

社頌

釋奠頌

贊

欽定四庫全書

漢魏六朝百三名家集
卷六十三目錄

天贊

地贊

詩

鼓吹饒歌十五首

朱路篇

思悲公篇

雍離篇

戰城南篇

巫山高篇

上陵者篇

將進酒篇

君馬篇

芳樹篇

有所思篇

雄子遊原澤篇

上邪篇

欽定四庫全書

漢魏六朝百三名家集
卷六十三目錄

臨高臺篇

遠期篇

石流篇

漢魏六朝百三名家集卷六十三目錄

欽定四庫全書

漢魏六朝百三家集卷六十三

明 張溥 輯

何承天集

賦

木瓜賦

美中州之嘉樹表開治之麗安結靈根以誕秀傾朝日以揚輝擢黃柯之冉冉布翠葉而粲歲惟茲木之在林

欽定四庫全書

漢魏六朝百三家集卷六十三

亦超類而獨飭方朝華而繁實比沙棠而有耀當大厦之方隆愧惟幹之纖繞豈隱樸以幸全固呈才而不效離用衆而獲寧永端已以勵操願佳人之予投恩同歸以託好願衛風之攸珍雖瓊琚而匪報

表

上慰新法表

臣校性頑惰少所關辭自昔幼年頗好愚數耽情注意近於白首臣亡舅故秘書監徐廣素善其事有既往七

欽定四庫全書

漢魏六朝百三家集卷六十三

三

曜恩每記其得失自太和至泰元之末四十許年臣因比歲者校至今又四十載故其疎密差會皆可也夫圖極常動七曜運行離合去來雖有定勢以新故相涉自然有毫末之差連日累歲積微成著是以虞書著欽若之典周易明治曆之訓言當順天以求合非為合以驗天也漢代雜候清臺以昏明中星課日所在雖不可見月盈則蝕必當其衝以月推日則躔次可知焉捨易而不為從心於難事此臣所不解也堯典云日永星火以正仲夏今季夏則火中又宵中星虛以殷仲秋今季秋則虛中爾來二千七百餘年以中星檢之所差二十七八度則堯冬令至日在須女十度左右也漢之太初曆冬至在牽牛初後漢四分及魏景初法同在斗二十一臣以月蝕檢之則景初今之冬至應在斗十七又史官受詔以土圭測景考校二至差三日有餘從來積歲及交州所上檢其增減亦相符驗然則今之二至非天之二至也天之南日在斗十三四矣此則十九年七閏

數微多差復改法易章則用算滋繁宜當隨時遷革以取其合案後漢志春分日長秋分日短差過半刻尋二分在二至之間而有長短因識春分近夏至故長秋分近冬至故短也楊偉不悟即用之上歷表云自古及今凡諸歷數皆未能短已之妙何此不曉亦何以云是故臣更建元嘉歷以六百八為一紀半之為度法七十五為室分以建寅之月為歲首雨水為氣初以諸法閏餘一之歲為章首冬至從上三日五時日之所在移舊四

欽定四庫全書

漢魏六朝百三十五家集

三

度又月有遲疾合朔月蝕不在朔望亦非懸意也故元嘉首以盈縮定其小餘以正朔望之日伏惟陛下允迪聖哲先天不違勗勞庶政寅亮鴻業究淵思於往籍探妙旨於未聞窮神知化罔不該覽是以愚臣欣遇盛明勅其管穴伏願以臣所上元嘉法下史官考其疏密若謬有可採庶或補正以備萬分

議

歷議

夫歷數之術若心所不達雖復通人前識無救其為蔽也是以多歷年歲未能有定四分於天出三百年而益一日積代不悟徒云建歷之本必先立元假言讖緯遂闢治亂此之為蔽亦已甚矣劉歆三統法尤復疏闊方於四分六千餘年又益一日楊雄心感其說采為太玄班固謂之最密著於漢志司彪因曰自太初元年始用三統歷施行百有餘年曾不憶劉歆之生不逮太初二

欽定四庫全書

漢魏六朝百三十五家集

四

陳滿罪議

獄貴情斷疑則從輕昔驚漢文帝乘輿馬者張釋之劾以犯罪止罰金何者明其無心於驚馬也故不以乘輿之重加以異制今滿意在射鳥非有心於中人按律過誤傷人三歲刑況不傷乎微罰可也

尹嘉罪議

被府宣令普議尹嘉大辟事稱法吏葛騰籤母告子不孝欲殺者許之法云謂違犯教令敬恭有虧父母欲殺

皆許之其所告惟取信於所求而許之謹尋事原心嘉
母辭自求質錢為子還責嘉雖虧犯教義而能無請殺
之辭能求所以生之而今殺之非隨所求之謂始以不
孝為劾終於和賣結刑倚旁兩端母子俱罪滕截法文
為非其餘嘉所存者大理在難申但明教爰發矜其愚
敵夫明德慎罰文王所以恤下議獄緩死中孚所以垂
化言情則母為子隱語敬則禮所不及今捨乞宥之評
依請殺之條責敬恭之節於饑寒之缺誠非罰疑從輕
欽定四庫全書

漢魏六朝百三家集
卷六十三

五

薄代公等補兵議

尋判制同籍期親補兵大功不在例婦人三從既嫁從
夫夫死從子今道舉為刼若其叔尚存制應補誦妻子
營居固其宜也但為刼之時叔父已沒代公道生並是
從弟大功之親不合補誦今若以叔母為期親今代公

隨母補兵既違大功不誦之制又失婦人三從之道繇
於主者守期親之文不辨男女之異遠嫌畏負以生疑
懼非聖朝恤刑之旨謂代公等母子並宜見原

孔邀名議

既沒之名不合奏者非有它義正嫌於近不祥爾奏事
一卻動經歲時威明之世事從簡易曲嫺細忌皆應蕩
除

丁况等久喪不葬議

欽定四庫全書

四

漢魏六朝百三家集
卷六十三

六

禮所云還葬當謂荒儉一時故許其稱財而不求備丁
况三家數年中華輒無棺槨實繇淺情薄恩同於禽獸
者爾竊以為丁實等同伍積年未嘗勸之以義繩之以
法十六年冬既無新科又未申明舊制有何嚴切嚴然相
糾或繇鄉曲分爭以興此言如聞在東諸處比例既多
江西淮北尤為不少若但誦此三人殆無整肅聞其一
端則互相恐動里伍縣司競為姦利財賂既逞獄訟必
繁懼虧聖明憲鮮之美臣愚謂况等三家且可勿問因

此附定制旨若民人葬不如法同伍當即糾言三年除服之後不得追相告列於事為宜

奏

請改漏刻奏

上尚書今既改用元嘉歷刻漏與先不同宜應改革按景初歷春分日長秋分日短相承所用漏刻冬至後晝漏率長於冬至前且長短增減進退無漸非唯先法不精亦各傳寫謬誤今二至二分各據其正則至之前後無復欽定四庫全書
漢編六朝百三家集卷六十三
差異更增損舊刻參以晷影刪定為經改用二十五箭請臺勒漏郎將考驗施用

議公主服母奏

元嘉二十三年白衣領御史中丞何承天奏詔叔敬白衣領職餘如奏

尚書刺海鹽公主所生母蔣美人喪海鹽公主先離婚今應成服撰儀注參詳宜下二學禮官博士議公主所服輕重太學博士顧雅議今既咸用士禮便宜同齊衰削杖布帶踈屐期禮畢心喪三年博士周野王議又云

今諸王公主咸用士禮燕王衡陽王為所生太妃皆居重服則公主情禮亦宜家中期服為允其博士庾邃之

顏測殷明王淵之四人同雅議何懷王羅雲二人同野王

議如所上臺案今之諸王雖行士禮是施於傍親及自

已以下至於為帝王所厭猶一依古典又永初三年九

月符修議亡廣德三主以餘尊所厭猶服大功海鹽公

主體自宸極當上厭至尊豈得遂服臺據經傳正文并

引事創依源責失而博士顧雅周野王等捍不肯帖方

欽定四庫全書

漢編六朝百三家集卷六十三

稱自有宋以來皇子著王皆無厭降同之士禮著於故

事總功之服不廢於末咸願獨貶於所生是申其所輕

奪其所重奪其所重豈緣情之謂臺伏尋聖朝受終於

晉凡所施行莫不上稽禮文兼用晉事又太元中晉恭

帝時為皇子服其所生陳氏練冠緌緣此則前代施行

故事謹依禮文者也又廣德三公主為所生母符修儀

服大功此先君餘尊之所廢者也元嘉十三年第七皇

子不服曹燒好止於麻衣此厭乎至尊者也博士既不

據古又不依今背違施行見事而多作浮辭自衛乃云五帝之時三王之季又言長子去斬衰除禭杖皆是古禮不少今世博士雖復引此諸條無救於失又詰臺云舊國得遂其私情此義出何經記臣案南燕衛陽太妃竝受朝命為國小君是以二王得遂其服豈可為美人比例尋舊王得遂者聖朝之所許也皇子公主不得申者緣有厭而然也臺登重更責失制不得過十日而復不訓答既被催攝二三日甫輸怙辭雖理屈事窮猶聞

欽定四庫全書

漢書卷六十三

九

義恥服臣聞喪紀有制禮之大經降殺攸宜家國舊典古之諸侯衆子猶以尊朕況在王室而欲同之士庶此之僻謬不俟言而顯太常統寺曾不研却所謂同乎失者亦未得之宜加裁正弘明國典謹案太學博士顧雅國子助教周野王博士王羅雲顏測殷明何恢王淵之前博士選員外散騎侍郎庾邃之等咸蒙抽飾備位前疑既不謹守舊文又不審據前准遂上背經典下違故事率意妄作自造禮章太常臣叔敬位居宗伯問禮所

司騰述征反了無研却混同茲失亦宜及答請以見事竝免今所居官解野王領國子助教雅野王初立議乖舛中執捍愆失未達十日之限雖起一事合成三愆羅雲掌押捍失三人加禁固五年

論

上安邊論 有未

伏見北藩上事虜犯青充天慈降鑑於此黎元博逮羣策經綸戎政臣以愚陋預聞訪及竊尋檢執告難爰自

欽定四庫全書

漢書卷六十三

十

上古有周之盛南仲出車漢氏方隆衛霍宣力雖飲馬瀚海揚旂祁連事難從繁天下騷動委與負海貲及舟車凶狡倔強未肯受弱得失報復裁不相補宣帝末年值其乖亂推亡固存始獲稽服自晉喪中原戎狄侵擾百餘年間未暇以北虜為念大宋啟祚兩曜靈武而懷德畏威用自款納陛下臨御以來羈縻遠養十餘年中貢譚不絕去歲三王出鎮思振遠圖獸心易駭遂生猜懼背違信約深構攜隙貪禍惡毒無因自反恐烽燧之

警必自此始臣素庸懦才不經武率其管窺謹撰安邊
論意極淺未懼無可採若得詢之朝列辨異同異庶或
開引羣慮研盡衆謀短長畢陳當否可見

漢世言備匈奴之策不過二科武夫盡征伐之謀儒生
講和親之約課其所言互有遠志加塞漠之外胡敵掣
肘必未能摧鋒引日規自開張當繇往年冀土之民附
化者衆二州臨境三王出藩經畧既張宏圖將舉士女
延望華夷慕義故昧於小利且自矜侈外示餘力內堅
欽定四庫全書
漢書六十六卷之三
卷六十三
十二
僞衆今若務存遵養許其自新雖未可羈致北關猶足
鎮靜邊境然和親事重當盡廟筭誠非愚短所能究言
若追蹤衛霍瀚海之志時事不等致功亦殊寇雖習戰
未久又全據燕趙跨帶秦魏山河之險終古如一自非
大田淮泗內實膏徐使民有贏儲野有積穀然後分命
方召總率虎旅精卒十萬使一舉盡夷則不足稍勤王
師以勞天下何以言之今遺黎習亂志在偷安非皆恥
為左衽遠慕冠冕徒以殘害剝辱視息無寄故綴貞歸

國先後相尋虜既不能拔勝循理攻城畧地而輕兵掩
襲急在驅殘是其所以速怨召禍滅亡之日今若遣兵
追討報其侵暴大翦幽冀虜城破邑則聖朝愛育黎元
方濟之以道若但欲撫其歸附伐罪弔民則駸馬奔奔
不肯來征徒與巨費無損於彼復奇兵深入款敵破軍
苟陵惠未盡則困獸思鬪報復之役將遂無已斯秦漢
之末策輪臺之所悔也安邊固守於計為長臣以安邊
之計備在史策李牧言其端嚴尤申其要大畧舉秦曹
孫之霸才均智敵江淮之間不居名數百里魏捨合肥
退保新城江陵移民南溪濡須之成家停羨溪及夷陵
之屯民夷散雜晉宣王以為宜從江南以北岸曹爽不
許果亡祖中此皆前代之殷鑒也何者斥堠之郊非畜
牧之地非耕桑之邑故堅壁清野以俟其來整甲繕兵
以乘其敝雖時有古今勢有強弱保民全境不出此塗
要而歸之有四一曰移遠就近二曰浚復城隍三曰纂
備車牛四曰計丁課仗良守疆其田土驍帥振其風畧

欽定四庫全書

漢書六十六卷之三
卷六十三

十二

蒐獵宣其號令俎豆訓其廉恥縣爵以縻之設禁以威之徭稅有程寬猛相濟比及十載民知義方然後簡將授奇揚旌雲朔風卷河冀電掃嵩恒燕狐折卻代馬摧足秦首斬其右臂吳蹄絕其左肩銘功於燕然之阿饗徒於金微之曲寇雖亂亡有微昧弱易取若天時人事或未盡符抑銳俟機宜審其策若邊戍未增星宿布野勤惰異教貧富殊資疆場之民多懷彼此虜在去就不根本紫難可驅率易在振蕩又校虜之性食肉衣皮以

欽定四庫全書

卷六十五

漢書六十五卷

十四

馳騁為儀容以游獵為南畝非有車輿之安宮室之衛櫛風沐雨不以為勞露宿草寢維其常性勝則競利敗不羞走彼來或驟而此已奔疲且今春踰濟既獲其利乘勝怙快未虞天誅比及秋末客更送死姦騎蟻聚輕兵烏集竝踐禾稼焚蕪間井雖邊將多畧未審何以禦之若威師連屯廢農必衆馳車奔驛起役必遲散金行賞捐費必大換土客戍怨曠必繁孰若因民所居竝修農戰無動衆之勞有扞衛之實其為利害優劣相縣也

一曰移遠就近以實內地今青兗舊民冀州新附在界首者二萬家此寇之資也今悉河內徙青州民移東萊平昌北海諸郡太山以南南至下邳左沐右沂田良野沃西阻蘭陵北阨大峴四塞之內其號險固民性重遷閭閻始無虜之時喜生浴怨今新被鈔掠餘懼未息若曉示安危居以樂土宜其歌忭就路視還如歸二曰浚復城隍以增阻防舊秋冬收斂民人入保所以警備暴客使防衛有素也古之城池處處皆有今雖額毀猶可修治粗計戶數量其所容新徙之家悉著城內假其經用為之閭伍納稼築場還在一處婦子守家長吏為帥丁夫匹婦春夏佃牧寇至之時一城千室堪戰之士不下二千其餘羸弱猶能登陴鼓噪十則圍之兵家舊說戰士二千足抗羣虜三萬矣三曰纂偶車牛以飾戎械計千家之資不下五百耦牛為車五百兩參合鈎連以衛其衆設使城不可固平行趨險賊所不能干既已族居易可撿括號令先明民知夙戒有急徵發信宿可

欽定四庫全書

卷六十五

漢書六十五卷

十四

聚四曰計丁課仗勿使有闕千家之邑戰士二千隨其便能各自有仗素所服習銘刻錄已還保輸之於庫出行請以自衛弓輪利鐵民不辦得者官以漸充之數年之內軍用粗備矣臣聞軍國異容施於封畿之內兵農並修在於疆場之表攻守之宜皆因其習任其勇怯山陵川陸之形寒暑溫涼之氣各繇本性易則害生是故戍申作師遠屯清濟功費既重嗟怨亦深以臣料之未若即用彼衆之易也管子治齊寄令在民商君為泰設

欽定四庫全書

清獻公集卷之三

十五

以耕戰終申威定霸行其志業非苟任強實繇有數梁用矣卒其邦自滅齊用技擊厥衆亦離漢魏以來茲制漸絕蒐田非復先王之禮治兵徒逞耳目之欲有急之日民不知戰至乃廣延膏募奉以厚扶發遣奔救天下騷然方伯刺史拱手坐聽自無經畧唯望朝廷遣軍此皆忘戰之害不教之失也今移民實內浚治城隍族居聚處課其騎射長吏簡試差品能不甲科上第漸就優別明其勲才表言州郡如此則也部有常不遺其業內

護老弱外通官塗明曹素定同憂等樂情由習藝因事著畫戰見貌足相識夜戰聞聲足相救斯教戰之一隅先哲之遺術論者必以古城荒毀難可修復今不謂煩便加功整麗如舊但欲先定民營其間衛壙堅存者因而即之其有毀缺權時柵斷足以禦彼輕兵防遏游騎假以方將漸就只立車牛之賦課仗之宜攻守所資軍國之要今因民所利導而率之耕農之器為府庫之寶田蠶之祇兼城之用十家總倍旅之兵萬戶具全軍

欽定四庫全書

清獻公集卷之三

十六

之衆兵強而敵不戒國富而民不勞比於優復隊伍坐食廩糧者不可同年而較矣今承平來久邊令弛縱弓簾利鐵既不都斷往歲棄甲垂二十年課其所任理應消壤謂宜申明舊科嚴加禁塞諸商賈往來幢隊挾藏者皆以軍法治之又畧上嚴立闕候杜廢閑蹊城保之境諸所課仗並加雕鐫別造程式若有遺缺亡及私為竊盜者皆可立驗於事為長又鉅野湖澤廣大南通沐泗北連青齊有舊縣城正在澤內宜立式修復舊堵

利其埶週給輕艦百艘寇若入境引艦出戰左右隨宜
應接據其師津毀其航漕此以利制車運我所長亦微
徼敵之要也

達性論

夫兩儀既位帝王參之宇中莫尊焉天以陰陽分地以
剛柔用人以仁義立人非天地不生天地非人不靈三
材同體相須而成者也故能稟氣清和神明特達情綜
古今制周萬物妙思窮幽蹟制作倖造化歸仁與能是

欽定四庫全書

漢書卷六十三

十七

為君長撫養黎元助天宣德日月淑清四靈來格祥風
協律玉燭揚輝九穀芻豢陸產水育酸醎百品備其膳
產棟宇舟車銷金合土絲紵玄黃供其器服文以禮度
娛以八音庇物殖生罔不備設夫民用儉則易足易足
則力有餘力有餘則志情泰樂治之心於是生焉事簡
則不擾不擾則神明靈神明靈則謀慮審濟治之務於
是成焉故天地以儉素訓民乾坤以易簡示人所以訓
示愍懇若此之篤也安得與夫飛沈蠃螭並為衆生哉

若夫衆生者取之有時用之有道行火俟風暴吹漁候
豺獮所以順天時也大夫不麝卯庶人不數罟行葦作
歌甯魚垂化所以愛人用也庖厨不過五犯是翼殺后
改祀孔鈞不網所以明仁道也至於生必有死形斃神
散猶春榮秋落四時代換奚有於更受形哉詩云愷悌
君子求福不囂言弘道之在已也三后在天言精靈之
升遐也若乃內懷嗜欲外憚權教慮深方生施而望報
在昔先師未之或言余固不敏罔知請事焉矣

欽定四庫全書

漢書卷六十三

十八

論王蕃渾天體

詳尋前說因觀渾儀研求其意有以悟天形正員而水
周其下言四方者東暘谷日之所出西至濛汜日之所
入莊子又云北溟之魚化而為鳥將徙於南溟斯亦古
之遺記四方皆水證也四方皆水謂之四海凡五行相
生於金是故百川發源皆自山出緣高趣下歸於注海
日為陽精光耀炎熾一夜入水所經煊竭百川歸注足
於補復故旱不為減浸不為益徑天之數蕃說近之

又

周天三百六十五度三百四分之七十五天常西轉一日一夜過周一度南北二極相去一百一十六度三分四分之六十五彊即天經也黃道表帶赤道春分交於奎七度秋分交於軫十五度冬至斗十四度半彊夏至井十六度半從北極扶天而南五十五度彊則居天四維之中最高處也即天頂也其下則地中也

論祠武帝於建始殿

欽定四庫全書

漢書卷六十五

十九

魏文帝黃初二年六月以洛京宗廟未成乃祠武帝於建始殿親執饋奠如家人禮

案禮將營宮室宗廟為先庶人無廟故祭於寢帝者行之非禮甚矣

論立諸葛亮廟

劉禪景耀六年詔為丞相諸葛亮立廟於涪陽先是所居各詣立廟不許百姓違私祭之而言事者或以為可立於京師乃從人意皆不納步兵校尉司馬懿中書侍郎向允等言於禪曰昔周人懷邵伯之美甘棠為之不伐越王思范蠡之德鑄金以存其象自漢興以來小善小德而圖形立廟者多矣况亮懿範遐邇通於萬世與王室之不壞齊斯人是賴而庶

嘗止於私門廟尊闕而莫立百姓巷祭戎夷野祀非所以存德愆功述道在昔也今若盡從人心則清而無典建之京師又違宗廟此聖懷所以惟勉也愚以為宜因近其墓立之於河陽使所屬以時賜祭凡其故臣欲奉祠者限至廟斷其私祀以崇正禮於是從之

論苑頭

周禮凡有功者祭於大蒸故後代遵之以元勳配饗允等曾不是式禪又從之竝非禮也

論郊祀不設樂

欽定四庫全書

漢書卷六十五

二十

戰國竝爭師旅數出懸烏之設務察風祲宜是泰矣世咸傳吳朝無雅樂案孫皓迎父喪明陵唯云倡伎晝夜不息則無金石登歌可知矣

又

或云今之神絃絲氏以為宗廟登歌也

問

報應問

西方詭報應其枝未雖明而根本常昧其言奢而寡要其譬迂而無徵乖背五經故見棄於先聖誘掖近情故